



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք. Երևան, Շոպրոնի 77

N

91/13795

22.06 2023թ.

Այիսա Ուզումսկի ներկայացուցիչ՝ Գևորգ Սիանոսյանին
Հասցե՝ ք. Երևան, Լենինգրադյան 4, բն. 66

Ուղարկվում է Ձեր դիմումի հիման վրա հարուցված վարչական բողոքարկման
վարույթի արդյունքում կայացված թիվ 8180310604 որոշումը բեկանելու և վարչական
իրավախախտման վերաբերյալ գործի վարույթը կարճելու մասին որոշման օրինակը:

Ստորի՝ « 3 » թերթ:

Հարգանքով՝

Պետի սլարիականությունների ժամանակավոր
կադարող. ոստիկանության գեղատեր  Ա. Մաթևոսյան

Կատ. Ա. Գրիգորյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 20.05.2023թ. կայացված թիվ 8180310604 որոշումը բեկանելու և վարչական իրավախախտման վերաբերյալ գործի վարույթը կարճելու մասին

22.06.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյան, վերանայելով Ալիսա Ուզումակի ներկայացուցիչ՝ Գևորգ Սիանոսյանի (Այսուհետ՝ դիմող) ՀՀ ՆԳՆ ոստիկանության պարեկային ծառայություն ստացված 22.05.2023թ-ին (ՊԾ ստացված 23.05.2023թ.-ին) դիմումի հիման վրա հարուցված վարչական բողոքարկման վարույթի նյութերը,

Պ Ա Բ Զ Ե Ց Ի

20.05.2023թ.-ին՝ ժամը 21:00-ին, Երևան- Սևան- Իջևան ավտոճանապարհի 71-րդ հատվածում՝ դիմողի վարած «Կիա» մակնիշի 453 CL 61 հաշվառման համարանիշի տրանսպորտային միջոցը կանգնեցվել է ՀՀ ՆԳՆ ոստիկանության պարեկային ծառայության Երևան քաղաքի գումարտակի ավագ պարեկ Արմեն Ստեփանյանի կողմից՝ «ԱՊՊԱ մասին» ՀՀ օրենքի 5-րդ հոդվածի, 4-րդ մասի պահանջները խախտելու, այն է՝ ստանց գործող ԱՊՊԱ պայմանագիր ունենալու տրանսպորտային միջոցը վարելու համար և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կազմվել է վարչական իրավախախտման վերաբերյալ սորձանագրություն և կայացվել թիվ 8180310604 որոշումը՝ դիմողին 100.000 ՀՀ դրամ գումարի չափով տուգանելու մասին:

Դիմողը 22.05.2023թ-ին (ՊԾ ստացված 23.05.2023թ.-ին) դիմումով խնդրել է բեկանել ՀՀ ՆԳՆ ոստիկանության պարեկային ծառայության թիվ 8180310604 որոշումը, մասնավորապես հայտնելով, որ իր տրանսպորտային միջոցի համար ունի «Նաիրի Ինշուրանս» աստիճակագրական ընկերության հետ կնքված պայմանագիր և դիմումին կից ներկայացրել պայմանագրի պատճեն:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է «Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման

բոլոր, այդ թվում՝ դիմումատուի օգտին առկա փաստական հանգամանքները, ձեռք բերված ապացույցները, ինչի արդյունքում պարզվել է, որ վարչական իրավախախտման գործով կալացված թիվ 8180310604 որոշումը ենթակա է բեկանման՝ հետևյալ պատճառաբանությամբ և հիմնավորմամբ.

Ոստմնասիրելով ՀՀ ՆԳՆ ՃՈ էլեկտրոնային ռեգիստրի տվյալները և ASWA էլեկտրոնային կայքի տեղեկանքը, դիմողի կողմից ներկայացված «Նաիրի Ինշուրանս» ԱՄԴԸ-ի հետ կնքած ԱՊԴԱ վկայագրի պատճենը՝ պարզ է դառնում, որ «Տրելեքս» պատուականող «Կիա» մակնիշի Z94C251BBNR182731 նույնացման համարով, 453 CL 61 հաշվառման համարանիշով տրանսպորտային միջոցի համար առկա է ԱՊԴԱ պայմանագիր՝ կնքված «Նաիրի Ինշուրանս» ԱՄԴԸ-ի հետ, որի գործողության ժամկետն է՝ 20.05.2023թ. ժամը 12:54-ից մինչև 19.05.2024թ.-ը:

Հետևաբար՝ 20.05.2023թ. ժամը 21:00-ի դրությամբ «Կիա» մակնիշի Z94C251BBNR182731 նույնացման համարով տրանսպորտային միջոցի համար առկա է եղել գործող ԱՊԴԱ պայմանագիր:

Պարեկային ծառայության ծառայողի պարզաբանման համաձայն տրանսպորտային միջոցը առանց գործող ԱՊԴԱ պայմանագիր վարելու փաստը արտացոլվել է իրեն ամբակցված դուրակի համակարգչում առկա ծրագրում, ինչի հիման վրա կազմվել է արձանագրություն և կայացրել է որոշում:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

«Վարչական իրավախախտումների վերաբերյալ» օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կառուցելու մեջ և գործի ճիշտ լուծման համար նշանակություն ունեցող այլ հանգամանքներ:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, դեմոնստրելով օրենքով և սոցիալիստական իրավագիտակցությամբ:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 20.05.2023թ. կայացված թիվ 8180310604 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության երևան քաղաքի գոմղ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

Պետի պարտականությունների ժամանակավոր
կատարող, ոստիկանության ղեկավար  (Ա. Մաթևոսյան)

